

PRIMLJENO: 02-12-2024			
Organizaciona jedinica	Klasifikaciona oznaka	Redni broj	Broj priloga
01-02-1		284/24	

3

PRIJEDLOG

Na osnovu člana IV. 4. a) Ustava Bosne i Hercegovine, Parlamentarna skupština Bosne i Hercegovine na ____ sjednici Predstavničkog doma, održanoj ____ 2024. godine, i na ____ sjednici Doma naroda, održanoj ____ 2024. godine, usvojila je

ZAKON O IZMJENI IZBORNOG ZAKONA BOSNE I HERCEGOVINE

Član 1.

U Izbornom zakonu Bosne i Hercegovine ("Službeni glasnik BiH", br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 8/13, 7/14, 31/16, 41/20, 38/22, 51/22, 67/22, 24/24 i ispravka 24/24) u Poglavlju 20. Prijelazne i završne odredbe u članu 20.16e stav (1) mijenja se i glasi:

"Član 20.16e

(1) Izuzev u pogledu odredbi koje su potrebne radi provođenja pilot projekta za uvođenje specifičnih izbornih tehnologija, primjena odredbi ovog zakona koje se odnose na uvođenje specifičnih izbornih tehnologija početi će na Opštim izborima u Bosni i Hercegovini 2026. godine."

Član 2.

Ovaj zakon stupa na snagu osmog dana od dana objavljivanja u "Službenom glasniku BiH".

PSBiH, broj: _____

Sarajevo, ____ 2024. godine

Predsjedavajući
Predstavničkog doma
Parlamentarne skupštine BiH

Predsjedavajući
Doma naroda
Parlamentarne skupštine BiH

O B R A Z L O Ž E N J E

I. USTAVNI OSNOV ZA USVAJANJE ZAKONA

Ustavni osnov za donošenje Zakona o izmjeni Izbornog zakona Bosne i Hercegovine sadržan je u odredbama člana IV. 4. a) Ustava Bosne i Hercegovine, kojim je propisano da je Parlamentarna skupština Bosne i Hercegovine nadležna za donošenje zakona koji su potrebni za provođenje odluka Predsjedništva Bosne i Hercegovine ili za vršenje funkcije Parlamentarne skupštine Bosne i Hercegovine po Ustavu Bosne i Hercegovine.

II. RAZLOZI ZA DONOŠENJE ZAKONA

Razlozi za donošenje ovog zakona nalaze se u činjenici da već dugo godina kroz izborne cikluse imamo probleme s brojanjem glasova i utvrđivanjem rezultata izbora.

Uvođenjem elektronskog brojanja glasova i nadzora preduprijedile bi se eventualne zloupotrebe u izbornom procesu, dok bi se s druge strane već u toku izborne noći znali rezultati izbora.

U Bosni i Hercegovini već imamo gradove u kojima se unaprijed zna da će biti problema u toku izbornog procesa i da će doći do određenih zloupotreba.

Najočitiji primjer je Grad Doboj gdje su se na ponovljenim izborima za odbornike u Skupštini grada, koji su održani početkom 2021. godine, rezultati bitno razlikovali u odnosu na rezultate izbora koji su održani u novembru 2020. godine.

III. RAZLOG ZA HITAN POSTUPAK

Ovaj prijedlog zakona formuliran je na tako jednostavan način da se može usvojiti ili odbaciti u jednom čitanju, odnosno ispunjava uslove iz člana 133. Poslovnika Predstavničkog doma Parlamentarne skupštine Bosne i Hercegovine.

IV. PRINCIPI NA KOJIMA JE PRIJEDLOG ZAKONA ZASNOVAN

Ovaj prijedlog zakona zasnovan je na principima ustavnosti, zakonitosti, ravnopravnosti, jasnoće i apsolutne nediskriminacije.

V. FINANSIJSKA SREDSTVA NEOPHODNA ZA PROVOĐENJE ZAKONA

Za provođenje ovog zakona neophodna su finansijska sredstva koja bi u Budžetu institucija Bosne i Hercegovine i međunarodnih obaveza Bosne i Hercegovine za 2025. godinu planiralo Vijeće ministara BiH.